



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 6 FULAN-JANEIRU TINAN 2017

KOMUNIKADU IMPRENSA

Sorumutuk Konsellu Ministrus nian iha loron 6 fulan-janeiru tinan 2017

Konsellu Ministrus hala'o sorumutuk iha loron-sesta ne'e, iha Palásiu Governu, iha Dili, no, nu'udar kontinuausaun husi promulgasaun ba Lei n. 13/2016 loron 29 fulan-dezemburu (Orsamentu Jerál Estadu ba tinan 2017), aprova ona **dekretu kona-ba ezekusaun orsamentál ba tinan 2017**.

Dekretu Governu nian kona-ba rejime jurídku ba programa hadi'a infraestruturá rural sira, ne'ebé atribui ba FALINTIL-FFDTL ho objetivu atu harii, reabilita no mantein infraestruturá sira ne'ebé esensíal iha komunidadé rural sira, ne'ebé propoin husi Ministru Defeza, hetan ona aprovasaun.

Hetan ona mós aprovasaun **proposta lei kona-ba krime halo, importa, lori, fa'an, fó ka lori rama ambon, (instrumentu ne'ebé bele lori ho fasilidade ne'ebé lansa lámína, rama, seta ka rama isin), utilizausaun arma branka ba prátika krime no prátika ilegál arte marsiál no rituál sira**. Lei ne'ebé daudaun ne'e vigora hela kona-ba prátika arte marsiál nian sira, ne'ebé halo iha tinan 2008, la fó dalan atu kriminaliza ho forma efikás atividade arte marsiál nian sira bainhira atividade sira ne'e la hala'o tuir orden legál sira. Nune'e, importante atu asegura prinsípiu orden públika nian no prinsípiu respeitu ba direitu sira, liberdade no garantia sidadaun sira nian.

Dekretu-lei tolu husi Ministru Estadu, Koordinadór Asuntu Administrasaun Estadu no Justisa no Ministru Administrasaun Estatál hetan ona aprovasaun. Dahuluk maka kona-ba **Estatutu orgániku Arkivu Nasionál Timor-Leste nian**, buka atu hatama organizmu ne'e ba kuadru organizasaun administrativa nian, no ninia misaun maka tau matan ba rekuperasaun, prezervasaun no rai dokumentu istóriku nasaun nian sira. Daruak mak kona-ba **orgánika Institutu Nasionál Administrasaun Públika (INAP) nian**, ne'ebé maka hetan ona avaliasaun iha sorumutuk Konsellu Ministrus nian iha loron 20 fulan-dezemburu tinan 2016. Ida ikus, mak alterasaun dahuluk ba deketu-lei ne'ebé mak aprova **Estatutu Administrasaun Munisipál, Autoridade Munisipál sira no Grupu Tékniku Interministeriál ba Desentralizasaun**. Besik tinan ida hafoin aprovasaun, Governu bele haree ona esforsu boot ne'ebé halo ona atu konkretiza prosésu desentralizasaun administrativa no rezultadu di'ak sira, iha domínio



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

formasaun lokál ba servisu sira, ne'ebé rejista to'o agora. Oras ne'e, Governu halo ona atualizasaun kona-ba montante sira husi despeza, ne'ebé tenke aumenta maka'as, tanba atribuisaun foun sira ne'ebé Administrasaun Lokál simu; tinan ida ne'e, ninia valór maka USD 150.000,00 (dólar amerikanu rihun atus ida limanulu).

Konsellu Ministrus aprova ona rezolusaun Governu nian ne'ebé kria **Komité orientadór peskiza no dokumentasaun kona-ba knaar foin-sa'e timoroan nian iha luta ba libertasaun nasionál**, ne'ebé tutela husi Sekretaria Estadu Juventude no Desportu.

Hafoin hetan tiha análise iha sorumutuk Konsellu Ministrus nian iha loron 31 fulan-maiu tinan 2016 nian, deketu-lei kona-ba **karreira profisionál seniór sira iha Administrasaun Públika**, agora hetan ona aprovasaun, atu nune'e bele atrai no kaer metin ninia kuadru profisionál sira ne'ebé kualifikadu liu no iha esperiénsia barak liu. Governu hatene katak, importante duni ba Administrasaun Públika atu mantein ativa profisionál esperiente hirak ne'e, atu nune'e sira labele hasees an husi Funsan Públika hodi buka kondisaun serbisu nian hirak ne'ebé di'ak liu iha setór privadu. Governu mós preokupa ho kreximentu pesoál assisténsia téknika nian, ne'ebé kolabora ho Administrasaun Públika ho forma temporária no ba de'it projetu no nesesidade espesial sira iha ministériu ida-idak.

Aprova ona mós rezolusaun Governu nian kona-ba **marxa Funsan Públika nian**, ho objetivu hodi motiva funsionáriu públiku sira, haburas sivizmu no patriotizmu, promove realizasaun sira Funsan Públika nian no atu fó aten-barani ba sira atu iha orgullu no sente katak atividade hirak ne'e halo parte mos ba sira an rasik nu'udar funsionáriu públiku.

